

Parare Domino Plebem Perfectam

A lokisetse Morena Sechaba se phethehileng (Luka 1,17)

# Moeletsi oa Basotho

www.moeletsiobasotho.co.ls

Banka e atametsa  
litšebeliso



2

Ba thoholetsa

Tau

12



Lesotho ha  
le hloke  
liphallelo 8

## E HLAOLA MOFOKA



5

www.moeletsiobasotho.co.ls



KETEKELO EA LILEMO TSE MAKHOLO A  
MABELI SECHABA SA BASOTHO SE THEILOE

+266 28 350 466/  
+266 6260 0983 WhatsApp  
newsroom@moeletsiobasotho.co.ls

#PARARE DOMINO PLEBEM PERFECTAM

# MOELETSI

## Re ipolaisa tlala

Letona la Temo le Kanetso ea Lijo o phatlalalitse khoeli ena ea Phato, e leng e qalang selemo sa Basotho e le ea lijo le ho khothaletsa Basotho ho hlahisa mesebetsi e fapakaneng ea temo, ka sepheo le morero oa ho ithahisetsa lijo. Basotho ba arabetse kopo ena ka makhetha le ka nyakallo, 'me ka 'Mantaha oa beke ena lihoai tsa Setereke sa Maseru li ile tsa ba le lipontšuo tsa lihlahisoa tsa bona. Chee ba litereke tse ling le bona ha ba itheka moroalo, ba ile ba kenella. Lihlahisoa tse teng kahar'a naha ka mona tsa temo li ngata hoo, joale ke hobane'ng ha Lesotho le lapa empa bohlahisi bo le teng? E mong oa lihoai o kopile 'muso ho ba fa tšehetso haholo ea 'maraka ho rekisa lihlahisoa tsa bona. O ile a hla a totobatsa hore ha ba kope ho phalleloa ka letho, e ka ba chelete kapa lipeo, ntho e 'ngoe feela eo ba e kopang; 'maraka.

Haeba 'Muso oa Lesotho o ka tsetela temong ka tieo, taba ena ea hore naha e tjametsoe ke tlala ea boja-likata e ka ba tšomo e phetheloang bana mollong mantsiboea. Baetapele pusong ha ba ka tlohela ho icheba ba etsa mosebetsi oa bona e leng oa ho hlokomela sechaba, liqholotso tse kang tlala li ka fela ka ho panya ha ntši. Ke boipiletso ke hona hore joalokaha Sesotho se re: kopano ke matla, bohle ha ba ka kopanya lihlooho tlhahiso ea lijo e ka ba ntho e kholo kahar'a naha.

Nakong ea likhoeli tsa ho feta 'muso o ile oa fereha makhotla le mekha e meng ea lipolotiki ho ba ntho e le 'ngoe pusong 'me hara eona ho ile ha e-ba le Mokha Liketso le Bophethahatsi (BAP). Joaloka tloaelo mokha kapa lekhotla le kenang puso le fuoa lekala leo le tla le etella pele, ka hona BAP e ile ea fuoa Lekala la Matla. Tšebetsong ea lona ho bonahetse ho e-na le liqhobeshano lipakeng tsa letona (eleng Moetapele oa BAP) le Mongoli e Moholo eo e leng setho sa BAP.

Qaka ena e ile ea ka e ile moriting, empa kajeno BAP e ntsa polelo moo e lelekileng litho tse 'ne tsa eona tse kenyeletsang eena Mongoli e Moholo. Leha ho le joalo ho bontšoa ha eo a tla tsoelapele ka tšebetso ea hae 'musong kaha a sa lelekoa mosebetsing e mpa e se e se setho sa mokha feela. Lebaka le ka sehloohong le entseng hore mokha o qetelle o nkile qeto e joalo ke hobane litho tseo li ne li baka moferefere kahar'a mokha li bile li kena le litaba tsa mekha le makhotla a mang a lipolotiki. Sesotho sea bolela ha se re khupi e raho ke monono, kamehla batho ha ba kena kahar'a mafura ba etsa lintho tse makatsang, hoo ka nako e 'ngoe ho seng bonolo ho tseba hore na e feela ba hloloa ke khora kapa ho tsekoa ho hong.

Sebapali sa papali ea Taekwondo sa Naha ea Lesotho se thabisitse Basotho haholo ka ho ba emela le ho ba tsebahatsa machabeng. Thabo eo sechaba se e thabileng ha u sa tsebe u ka tia u hlapanya hore Michelle Tau ha hloloa papaling eo, 'me taba ena e bontša tšehetso le lerato lipakeng tsa bana ba motho haholo joang ha Tau a le machabeng. Basotho ba tumme ka ho tšehetsana tjena ka hona e se eka lerato lena le ka fetela ho libapali tse ling tse emetseng naha Lipapali tsa Li-Olympiki Naheng ea France.

## Banka e atametsa litšebeletso

### Nthabeleng Seitlheko

**Banka ea Standard Lesotho e thakho-tse letšolo le lecha la tšebeliso ea lichelete ka marang-rang, moo basebelisi ba banka ba tla reka motlakase, moea le tse ling. Tsena li boletsoe ke Mookameli oa Litšebeletso tsa Banka Rethabile Motsoahae, ka la 5**

mafelo a selemo, ha khoeli le khoeli baji ba tla ikhapela thepa ea boleng ba M300,000.00.

O re sena ke ho kenya moea oa tšebeliso ea marang-rang ho baji ba litšebeletso tsa bona le ho thusa ho matlafatsa phano ea litšebeletso e potlakileng. O re ke nako ea hore Basotho ba ikamahanye le lipheto ho haholo nakong ena eo lefatše le fetohetseng mokhong oa marang-rang.

Ke hona mona moo ba bang ba basebelisi ba banka ena ba ileng ba fuoa pampiri chelete ea boleng ba M20,000.00 motho ka mong ka ho sebelisa marang-rang ho fumana litšebeletso. Khothaletso ke hore batho bohle ba nke boikarabello litabeng tsa bona tsa lichelete le ho ipapisa le lipheto ho tse teng molemong oa ho nolofalloa ke ho litšebeletso.



### Phato monongoaha.

O re tebello ke hore baji ba tla sebelisa mokhoa ona khafetsa ba tla ikhapela M300,000,00 ha karolo e 'ngoe e tla hapa kolo. Sena o supile e le mohato oa ho qobisa basebelisi ba banka mela e melele ho fumana litšebeletso le ho tsamaea ka chelete matsohong.

Letšolo lena le hlalosa le kene tšebetsong ka la 1 Phato 2024, 'me le tla filhla pheletsong ka Tšitoe monongoaha, 'me basebelisi ba tlo etsa tsena ntle le litjeo tsa letho.

Teboho Sello o supile hore baji ba litšebeletso tsa banka, ba tla sebelisa karete e putsoa le e silvera, ho romella batho chelete le ho fumana litšebeletso ka marang-rang khafetsa. O re kolo e tla fanoa ha 'ngoe

**BE YOUR OWN DOCTOR**  
with Moses Mollatsi Ts'oeu  
A Qualified Herbalist

**Price M150**

**Nature's Healing Practices.**  
Basic Education on Herbs.

Overcome ailments with herbs.  
(High blood, Diabetes, Cancer, Arthritis, building immune system, Asthma, Memory loss, Heart problems, etc.)

Planning your herb garden.  
Practicals (Making Herbal Tinctures, Teas Capsules, Ointments, beauty creams, etc.)

**15 SEPT 2024**  
**10AM-3PM**

Venue: Emmanuel Hostel Hall  
Maseru  
(Opposite Manthabiseng  
Convention Center)  
Lunch Will Be Served.

www.moeletsiabasotho.co.ls

CONTRIBUTION: M150.00 (MPESA/ECOCASH NUMBERS: 56123255/62178739.)

Tšeliso Thakholi

soa tsa tsona tse kang tsa temo, boqapi ba lintho tsa mahlale, leruo la liphofo-

# Khoeli ea Temo

ithutile lintho tse ngata tsa ea maemo afe. A phethela bohlokoa, tse kenyeletsang ka ho re malebela ao a fu-



**L**ihoi tsa Setereke sa Maseru ho hlaha ka likhoroana tsohle, li ile tsa bapatsa lihlahisoa tsa tsona tse fapakaneng lipontšong tse bileng Masianokeng Lifestyle Centre, Maseru ka la 5 Phato monongoaha, e le ho keteka lilemo tse 200 sechaba sa Basotho se thehiloe le ho ketekela khoeli ea Phato e le ea temo le tlhahiso ea lijo.

Sena se latela phatlalatso ea Letona la Temo le Kanetso ea Lijo, Mohlomphehi Thabo Mofosi ka Labone bekeng e fetileng, moo a ileng a thakhola khoeli ea Phato e le ea lijo le ho khothaletsa sechaba sa Basotho hore se kene mesebetsing e fapakaneng ea temo le tlhahiso lijo, e le ho ntlafatsa temo le ho phahamisa phepo e nepahetseng kahare ho naha.

Lihoi ka ho fapakana ha tsona li ne li bontša lihlahi-

lo le mesebetsi ea tsona e fapakaneng ka morero oa ho tsebahatsa lihlahisoa tseo 'marakeng oa lehae le oa machaba. Lihoi li

mokhoa oa ho ntšetsapele mosebetsi oa tsona.

H'a bua le lihoai lipontšong tsena, Letona la Temo le Kanetso ea Lijo

hore temo e ka fenyha tllaha feela e ka atameloa ka tsela e nepahetseng, e bile batho ba e-na le lerato la eona.

maneng o il'o a kenya tšebetsong, "etsoe nonyana e ahela ka tšiba tsa e 'ngoe."

Lipontšo tsena tsa temo li ne li eteletsoe pele ke Mot-



ne li boetse li rekisa tsona lihlahisoa tsa tsona hona lipontšong, e le hore li tle li khutlele mahae li e-na le

Mohlomphehi Thabo Mofosi o itse lipontšo tsena ke sesupo sa ho ananela lihlahisoa tsa naha, e le ho ntlafatsa lenane la lijo tlasa mohoo oa Lekala la Temo le Kanetso ea Lijo o reng: "Khotso, Pula le Nala." A re lekala la habo le tli' o potoloha le naha ho utloa le ho rarolla liqholotso tseo lihoai li kopanang le tsona.

Puisanong le e mong oa lihoai tsa meroho le leruo la khoho, Mofumahali 'Malenka Mohlalisi oa Khubetsoana Seterekeng sa Maseru, o itse boteng ba hae lipontšong tsena o

A re joalokaha a iphelisa ka temo ho ba teng ha hae ho mo file monyetla o mohlolo oa ho itekola hore na o fela a ntse a hlahisa ka tsela

lotlehi Letsie III, Tona-Kholo Samuel Matekane, matona le moifo oa machaba o shebaneng le litaba tsa temo o teng kahare ho naha.



# RE TŠEHETSA BACHA

**Tšeliso Thakholi**

**N**thabiseng Lucy Kolobe kajeno re tli'o bua le eena e le seqapi le sengoli sa libuka tsa Sesotho tsa lithothokiso, litšoantšiso le lipale, ea tlang ho thakhola buka ea hae e ncha ea litšoantšiso e bitsoang Bocha ka khoeli ea Tšitoe monongoaha. O boetse o na le buka e 'ngoe ea tsejoang haholo ka eona, eo ba ileng ba e kopanela le lingoli tse ling eo lebitso la eona e leng, Likheleke tsa Puo. Buka ena e ne e hlalisoa ka selemo sa 2015 ke Mokhatlo oa Ba re e ne re Literacy Arts (BMBLA).

Lucy ha se seqapi feela ke 'ma-litalenta kaha o kopantse bacha motseng oa habo oa Ha Matala, hoba otla ka litalenta tsa bona tse fapakaneng. O lokolisa qalaho ea talenta ena oa hae tjena:

Haesale ke le motho ea ratang ho ba seqapi le sengoli sa libuka tsa Sesotho, ho tloha nakong eo ke ntse ke kena Sekolo sa Mathomo le se Phahameng ho fihlela kajeno. Ke boetse ke motho ea ratang lipapali tsa kalaneng haholo. Bongoli ba libuka ke talenta ea ka, ha se ntho eo ke e



etseng sekolong.

**Lerato la ho ba sengoli**

Ha ke ntse ke hola batho ba ileng ba etsa hore ke be le lerato la ho ngola ke Mofumahali 'Matšeliso E. Lesupi ka buka ea hae eo a e ngotseng e bitsoang Monn'a Thaba-Limaqhoa. E 'ngoe eo ke neng ke e rata haholo ha ke ntse ke le Sekolong sa Mathomo ke e bitsoang Bophelo ba Lillo le eona e ntse e ngotsoe ke motho ea tšoanang. Ka leb-

aka la sengoli sena tlhase ea lerato la ho ba sengoli sa libuka ea 'na ea kekela hofihlela kajeno.

**Buka ea hae ea pele**

Buka ea ka ea pele ha ke qala ho bona hore e hile Morena Molimo o mphile talenta ea bongoli ke eona ena e bitsoang Bocha. Thuto eo ke ratang ho e fetisetisa ho bacha ka buka ena ke ho ba hlokomelisa, ho ela hloko liqholotso tseo ba kopanang le tsona tse kang

tšoaetso ea lefu la HIV/AIDS, ho ba bakhachane lilemong tse tlaase, le litumelo tsa khale le tsa kajeno. Bacha ha ba ka iphumanela buka ena ba tla tseba ho fumana likeletso tse mamoni mabapi le litaba tseena. Ha se tsona feela empa buka ena e ba ts'oaretse le ntho tse ling tse molemo, ho ba qobisa lintho tse ka bang kotsi bophelong ba bona. Buka ena ke ea lona bacha le e rate le e reke le tsebe ho iphumanela molemo o sa feleng oa bophelo ba lona. Bocha ke letlotlo la bophelo ba lona. Ba kileng ba e bala e fetotse bophelo ba bona. Le haeba u se u ile ua oela likotsing tse itseng ke nako ea hore u fetohe ka buka ena.

**Bokamoso ba hae**

Nka rata ho bona ke le e mong oa lingoli tse hloahloa joaloka motho eo ke seng ke 'moletse, 'me libuka tsa ka li se li baloa Likolong tsa Mathomo le tse Phahameng kahare le kantle ho naha. Ke boetse ke rata ho iphumana ke se ke etsa litšoantšiso tse baloang Li-ea-le-moeeng le lithelefishining. Taba-tabelo ea ka e kholo ka ho fetisisa, ke ho bona naha ea habo rona e ela hloko litalenta tsa rona, 'me li nkela holimo e le hore re tle re tsebe ho iphelisa ka tsona re sa hloke ho batla mosebetsi 'musong

kapa likampaning tse ike-metseng. Mebuso e ke e ele hloko litalenta tsa rona hoba ka tsona re ka phela. E kenye letsoho ho re tšehetsa re tle re tsebe ho iketsetsa. 'Muso o kenye letsoho ka ho matlafatsa litalenta tsa bana ba Basotho ka ho ba tšehetsa ka mekhoha ea hore ba tsebe ho iphelisa.

**Keletso ho bacha**

Bacha ba heso bokamoso ba lona bo matsohong a lona, holisang litalenta tseo Morena Molimo a le fileng tsona. Rata talenta ea hau u be u phele ka eona. Mamati a butsoe batla likeletso ho batho ba nang le litsebo ho u tataisa. Ba ka ratang ho ba lingoli tsa libuka ke le amohetse ka liatla tse peli, tlohong re tli'o aroleanang litsebo e le hore talenta ea rona ea bongoli e tle e hole. Ratang litalenta tsa lona ka liketso, etsoe li bua ho feta lipolelo.



# E hlokola litlhoka

## Nthabeleng Seithheko

**M**okha oa Liketso le Bophethahatsi (BAP) o ntšitse lengolo la potoloho le supang o lelekile litho tse 'ne, ho kenyeletsa le Mongoli e Moholo Lekaleng la Matla Tankiso Phapano, ka le reng ba luka khotso kahar'a mokha. Litaba tsena li tiisitsoe ke Mongoli e Moholo oa BAP Lepolesa Makutoane, puisanong le Koranta ka la 7 Phato monongoaha.

Tse ling tsa litho tse lelekiloeng ke Thabiso Likotsi, Tšelisio Matseletsele le Molibetsane Mafethe. BAP e thontse Thabo Sophonea e le Ramatlotlo kamor'a boitokollo ba 'Mamoipone Senauoane Komiting e Kholo le ho tlatsa likheo tsa litho tse peli komiting, ka Mats'olo Monaheng le 'Machabeli Sehloho.

Makutoane o bonts'itse hore BAP mothating oa ha joale e'a ithoekisa hobane ho bonahala ho na le batho ba moferefere, ba ratang ho ba sitisa ho sebetsa ba bonahalang ba e-na le boeletsi ho hlaha kantle, ka hona tsohle li mosebetsi entsoe ho ipapisitsoe le molao.

O itse ho latetsoe methati eohle ea khalemo, kaha komiti ea phethahatso e ile ea theha komiti ea khalemo kahar'a eona, ea fana ka likhothaletso tseo ba ileng ba bona ho hloka hore kamor'a ho imamella tsona ba lokela ho li kenya ts'ebetsong, kaha komiti e na le matla a joalo ho ea ka molao-theo.

O re kaha e le mokha o lumelang pusong ea molao, ba tla lokela ho sebetsa ka ona, 'me ha ho monate kaha o kenyeletsa batho bohle. O re batho ba leleki loeng ha ho ea beheletsoeng ka thoko, ka hoo e bang



ba e-na le thahasello ba tla nka botho bocha boo komiti e tla imamella bona.

Potsong ea hore na ho lelekoa ha Mongoli e Moholo oa Lekala la Matla e bile e le setho sa BAP, ha ho na ama tšebetso lekaleng leo kaha letona e le Moetapele oa Mokha? Makutoane o itse khale ba ne ba ngolle Tona-Kholo le Mongoli e Moholo oa 'Muso lengolo hore a tlose eo lekaleng leo kaha a sa sebetse hantle le Prof. Mahao, empa ba hanana le taba eo hobane mohlomong e ne e sa utloahala ho bona ka nako eo. O re tšebetso e tla tsoelapele kaha eo a sa lelekoa e le Mongoli e Moholo, a leleki loe e le setho sa BAP.

H'a tsoelapele o bonts'itse se susumelitseng hore bao ba leleko ke hobane ba ntse ba kena kahar'a mabatoa a BAP, ba hlohleletsa

moferefere kahar'a mokha, ho tsoara likopano ka thoko ho Komiti e Kholo le ho kena litaba tsa RFP.

H'a phethela o ipilelitse ho litho tsa habo ho ithuta molao oa BAP kaha ba lumela pusong ea molao.



# SHE-HIVE e thakela marena

## Nthabeleng Seithheko

**M**okhatlo oa SHE-HIVE o tsoile letšolo ho thakela bacha, marena le makanselara ka mekhoha ea ho tlaleha litaba tsa tšekefetso le ho rua tsebo e pharaletseng ka tsona, e le karolo ea ho anetsa thuto sechabeng. Litaba tsena li boletsoe ke Raliphatlalatsi oa Mokhatlo, 'Mabele Masasa puisanong le Koranta ka la 7 Phato monongoaha.

O itse ba sebetsa literekeng tse supileng tsa naha, 'me ha joale ba kopana le marena ho a beha leseling ka tšebetso ea bona le ho bua ka litaba tsa tšekefetso, mekhoha ea ho sebetšana le eona ha motho a tlahetse.

O re leha e le leihlo la sechaba ba bile ba le kapele boetapeleng, ba lokela ho latela methati e nepahetseng ea ho tlaleha litaba tsa tšefeketso le peto sepoleseng le ho bapala karolo ea tšireletso.

O re potolohong ena ba fumane hore, chobeliso e ntse e le teng, bokhachane bo sa roang ba bana ba tlaase lilemong, tšekefetso e etsoang ke litloholo ho maqheku le Maqhekoana eona ke kobo anela le lenyalo la bana ba tlaase lilemong. Ba boetse ba fumane hore bana ba ntse ba hloka litokomane tsa boitsebiso libakeng tse ling.

O re erekaha batho bohle ba lokela ho nka boikarabello litabeng tsa ho nena tšekefetso kahar'a metse, ba boetse ba hapeletse bacha ho ba koetlisa mabapi le litaba tsena, hobane ha ba koetlile ba tla tseba ho tsoella ba bang 'me molaetsa o tla feta ha bobebe. A re ba khothaletsa hape hore tulong tsa marena le makanselara bacha ba be le boemeli hore ha ho etsoa liqeto metseng ba kenyeletsoe hore lentsoe la bona le utloahale. O re taba ena eo e seng e le lekhetlo la bobeli e etsahala ba etsa bonnete ba hore bacha ba kenya letsoho ho fokotsa sekhahla sa tšekefetso kahar'a me-

tse. A re kamor'a baithuto ba t'l'o sebetsa le mafapha ohle a amehang haholo ha ba ea lipitsong ho eletsisa sechaba mekhahlelong e fapa-

e teng e mecha hore sechaba se rue tsebo ea eona, molemong oa tšireletseho le kutloisiso ea eona.

O phethetse ka ho khothaletsa bacha ho kenya



kaneng. A re ba boetse ba na le morero o moholo oa Mphahlolle o reretsoeng ho fahlolla sechaba ka melao

letsoho litabeng tsa sechaba, ho nka boikarabello ba ho nena litaba tsa tšekefetso le ho fana ka thuto sechabeng.

Making Lesotho Great Again

97.4 fm bokamoso

97.4  
92.6  
98.6

FOLLOW US ON

# Lesotho le'a phalleloa



## Nthabeleng Seitlheko

**E**le ho kenya letsoho litabeng tsa bophelo bo botle, le ho arabela litlhoko tsa batho ba nang le bokooa, Vodacom Lesotho Foundation ka kopanelo le Maloti Rotary li phalletse batho ba nang le bokooa ka thepa ha e 'ngoe e tla nehelanoa Litsing tsa Bophelo le Mekhatlong e fapakaneng ea Batho ba nang le Bokooa. Tsena li bile ka la 6 Phato monongoaha, Maseru.

Mookameli oa Vodacom Lesotho Foundation, Tšepo Ntaopane o itse e le likhobobo tse ikemetseng, ba ikemiselitse ho tlatsetsa 'muso tšebetsong ea ona ea ho bona hore Mosotho e mong le e mong o fumana litšebeliso tse phethahetseng tsa bophelo.

A re Vodacom Lesotho Foundation e se e tla sebetsa le Maloti Rotary le mekhatlo e meng ea Rotary ho bona hore lithuso tsohle tse tlatsetsang ntlafatsong ea bophelo bo botle ba Basotho li finyella hae koano, hore li tsebe ho tsoela Mosotho e mong le e mong ea li hlohang molemo.

Lebitsong la Maloti Rotary, 'Mathabo Makenete o lebohile Vodacom Lesotho Foundation le PhysioNet UK ka ho kena seahlolong le Mokhatlo oa habo ho bona hore thepa ena ea bohlokoa e qetella e finye-

letse kahar'a naha. A re tlhoko ea thepa ea mofuta ona e phahame ho mpa ho

fokola mohloli oa eona, ka hona ba tla lula ba kokota menyakong ea likampani

le mekhatlo e fapakaneng hore lithuso tsa mofuta ona li qetelle li fihlile koano Le-

sotho.

Mookameli oa Sepetlele se Seholo sa Maseru, Dr. 'Mabatho Masupha, o lebohile Maloti Rotary ka ho lula e thusetsa lithokong tsa mefuta-futa Lefapheng la Bophelo. A leboha le Vodacom Lesotho ka tlatsetso ea eona ho bona hore thepa ena ea bohlokoa e finyella Lesotho. A qholotsa likhobobo tse ling ho ba le kobo ea bohali litabeng tsa bophelo ka ho khutlisetsa sechabeng.

Thepa e fanoeng e kenyeletsa libethe tsa bakuli, melangoana ea boikokotlelo, lithupa tse tšehetsang batho ba sa khoneng ho tsamaea, thepa e sebelisoang malimong le tse ling. Eona e phalletsoe ke PhysioNet UK eleng mokhatlo o bokellang thepa e thusang batho ba nang le bokooa ho e romela linaheng tse kojoana li mahetleng.

# Ho ja hantle ke motheo

## Nthabeleng Seitlheko

**M**othehi oa Kampani ea New Dawn Health Motlatso Tšoeu, o re Basotho ba lokela ho fetoha lingaka tsa bona ka ho eelloa bohlokoa le tšebeliso ea litlama tse teng malapeng a bona. O boletse tsena puisanong le Koranta ka la 5 Phato monongoaha.

O re o hlokometse hore boholo ba batho ha ba tsebe bohlokoa le tšebeliso ea litlama tse teng malapeng a bona le tseo ba ka itemelang tsona ho loantša mafu le ho a thibela. ka hona o bontšitse bohlokoa ba ho li hlokomela limela 'me ba li sebelise ka ho nepahala haholo ho iphekola le ho thibela mafu a bonahalang a jele setsi.

Tšoeu o supile hore joalokaha e le setsebi sa litaba tsa litlama o ikemiselitse ho anetsa thuto ka hohle ho tloha baneng le ho batho ba seng ba holile hobane matsatsing ana, mafu a hlasela batho ba lilemo tse fapakaneng.

O itse ka la 14 Loetse monongoaha ba tlo tšoarela Basotho thupelo ho ba ruta

ka melemo ea litlama, ho ba thusa ho li pheha ka tsela e nepahetseng le ho li sebelisa ka tekanyetso. A re har'a ketsahalo ena ho tla kenella thupelo ka litlama tse thusang molemong oa letlalo le hloekileng e le ho thusa batho bohle ho ithehela mesebetsi e le boipheliso.

O supile ha mafu a tšoanang le phallo e holimo ea mali, tsoekere le mofetše e le ona a phahameng kahar'a naha ho kenyeletsa le serame sa masapo. O re ba sebetsana le ho khothaletsa mokhoa oa ho ja o

nepahetseng, tšebeliso ea litlama tse nepahetseng ho theola sekahla sa mafu ana kapa ho a thibela.

O re ho ipaballa ho molemo ho feta setlhare ka hona ho ja ho nepahetseng ke motheo oa bophelo bo botle. A khothaletsa boohle ho ikoetlisa, ho noa metisi ka nepo ho qoba mafu. O re seo ba se etsang ke ho hlasimolla 'mele hore o khutlele boemong ba ona ka tšebeliso ea litlama, 'me lijo tseo ba li khothaletsang, ke poone, mabele, linaoa le lierekisi. A re kamehla o

rapella Basotho ho khutlela mekhoeng ea khale ea ho ja kaha ba ne ba sa khathatsoe ke mafu.

H'a phethela o itse Lekalla la Bophelo ha le na thahasello litabeng tsa ho phekoa bakuli ka litlama kaha ho fihlela ha joale ho se letho le ngotsoeng fatše le thusang hore Basotho ba qetelle ba thusoa ka mekhoe e 'meli ea ho phekoa molemong oa qoba har'a tse ling tahlehelo ea chelete e ngata ea litlhare tse sebelisoang ho phekoa Basotho ha ba le Litsing tsa Bophelo.



# Being alone is not loneliness

People are social beings by virtue of nature and socialisation. We are wired to want to belong, this is why most of our time we spend trying to belong and impress others. Almost everything we do, our biggest worry is public opinion, we are never about ourselves, statistics indicate that 75% of our lives is lived for people, while the majority of the remaining 25% is used for sleeping, meaning the concept of being alone is almost foreign, something we must be afraid of, something we don't flirt with. This makes us want to belong at all costs, no matter what it takes. We mix with wrong groups because they give us the sense of belonging, we would rather lose our principles and vision all in the name of belonging, someone would rather sell their souls to the devil than



**Teboho Matjeka**  
63574502/58911803

not to belong. We bent ourselves backwards so that we don't lose that connection, we are never worried about the outcome of belonging, after all we are taught to belong, we have never been educated on what or whom to belong to.

I am of an opinion that it's high time we realise that if we are not happy alone we can never be happy with others. We should find our peace while alone so that when we are with others we rub them with happiness, this is why we should cherish being alone and must never treat it like loneliness. We should use our time alone as self-seeking and self-identification so as to understand who we are, share who we are with the people. We should work to create a time for ourselves every day as we create it for others.

## U se ke ua ahlola

**R**e phela nakong eo batho re qosanang le ho ahlolana ka maemo a bophelo, lilemo, bong, libopeho kapa seemo, limelo, mesebetsi, likamano, joalo-joalo.

Maemo ana a tsekoang ke batho kaofela ha oona a se a boikhethele ba motho ka mong. Ha motho a le lilemong tsa bongoana, h'a ikhethela ho ba ngoana ka nako eo. Ka ho tsoana le botsofali, maqheku le maqhekoana h'a ikhethela ho tsofala ka nako eo. Ha ho motho ea tlamehang ho utloisisoa bohloko ka lebaka la nako eo a nang le eona lefatšeng. Bana ha ba lokele ho nkeloa liqeto tse seng molemong oa bona hobane e le bana, ba sen a matla a ho itoanela. 'Me le metsofe hae lokele ho nkeloa liqeto tse seng molemong oa oona ka ho tsoana.

Ho na le nto e kholo lipakeng tsa batho, ho tsekoa bong; moshanyana, ngoana, mora, morali, mokoenyana, ngoetsi, monna le mosali, ho tsoana feela. Ntoa e lipakeng tsa ba batona le ba batšehali ha e tl'o

fetola bong ba leha e le eamong oa rona. Leha re ka leka ho fetola nama hobane e tsoareha le ho bonahala ka leihlo la nama, moea

ba ba nkela balekane, ba sa natse hore ha se ka boikhethele ba bona hore e be ba hloka balekane. 'Me le bona basali ba nyetsoeng



ona re ke ke ra o ama ka letho. Banna le basali ba loantšana ka bo-bona. Banna b'a loantšana ba tseka maemo le basali. Basali b'a loantšana ba tseka maemo le banna, basali ba nyetsoeng ba loantšana le ba senang balekane ka le reng

ha ba na kholiseho kapa tiisetso ea hore ba tla ba le balekane ho isa pheletsong ea bophelo ba bona.

Kaofela ha rona batho ha ho le ea mong ea ikhethetseng 'mele hobane chebahalo ea 'mele ea batho e'a fapana. Seemo, leba-

la, boima, ha ho lebaka le lenyenyane la hore ebe batho re nyelisana le ho hobosana ka chebahalo ea bona. Mabaka a mangata a etsang hore ebe rea fapakana ka chebahalo, 'me ha se ka boikhethele ba motho

pheletsong ea bophelo hobane ha re tsebe hore hosane e re fuparetse'ng. Ho tjena kajeno, empa hosane taba tsa maobane e ka ba pale feela hobane maemo oohle a fetohile.

Maemo a mang ao batho ba ahlolanang ka oona ke a tšebetso, batho re qeta bohlo ba nako ea rona re lititse hore batho ba bang ba sebetsa'ng kapa ba sebetsa joang hoo re ikamohang le nako ea ho intlafatsa kapa ho sebetsa ka thata hore rona re tle re fihlele maemo a itseng mesebetsing ea rona. Re tsekisana maemo ao re sa ipeheng ho oona. Ba nang le mesebetsi ba eisa ba e hlokanang, ba hlokanang mesebetsi ba jella ba sebetsang mona. Maemo ana kaofela a a fetoha ha nako e fihlile, ha rea tlameha ho iphanyetsa 'nete ea hore ha re tsebe hore bokamoso bo fupere'ng.

Kahlolo re e siele makhotla moo ho hlokalalang teng, rona re intlafatse, re thuse ba bang ho ntlafala. Re tšehetsane moo maemo a re hlokanang ho etsa joalo. Re tsoeng taba ea ho ahlolana le ho loantšana ho sa hlokalalang.

**Puseletso E. Moeti – MOTHER'S TOUCH**

# Lesotho ha le hloke liphallelo

## Nthabeleng Seithleko

**M**otlotlehi Letsie III o entse khoelehetso ho sechaba sa Basotho ho phamolela holimo morero oa bobeli oa tlhahiso, ho shebiloe ka matla ntlafalo ea temo kahar'a naha. Litaba tse na li hlaheletse 'mokeng o neng o tšoere lipuisano ka litaba tsa temo, ka la 6 Phato monongoaha.

O re hore naha e tle e iphumane e na le phunyeletso litabeng tsa temo haholo temo-khoebo, e lokela hore e nyolle lichelete tse abeloang temo, ho lokisoa melao le melaoana le meralo e be e ntlafetseng ho arabela litaba tsa temo kahar'a naha. O re Basotho ba lokela ho tsotella temo ho etsoe le meralo e hlakileng molemong oa ho fihlela batho bohle.



(FAO) Dr. QU Dongyu, o hlalositse hore Naha ea Lesotho e na le boetapele bo matla, mobu le lisebeli-

ke eona e ka thusang hore naha e hlole tlala le phepo e fosahetseng baneng.

Letona la Likhokahanyo Mahlale le Tšebeliso ea ona, Mohlomphehi Nthati Moorosi, o hlalositse hore Lesotho e ka sebelisa marang-rang e le karolo e 'ngoe ea ho matlafatsa temo le tlhahiso ea lijo. A re ha ho ka sebelisoa boqapi seo se ka thusa hore naha ebe le tlhahiso e ntle ea temo. A thoholetsa bacha ba bonahalang ba tšoere ka thata litabeng tsa temo, ka hona o motlotlo kaha hoo ke boiphihlelo.

Letona la Lihloliloeng le Merafo, Mohlomphehi Mohlomi Moleko, o bontšitse ha lekala la habo le tšoere ka thata ho bona hore metsi a sireletseha, tikoloho ea bolokeha le ho loantša har'a tse ling kholeho ea mobu.

Dr. 'Mathabo Tšepa ho hlaha LENAFU, o supile hore Naha ea Lesotho e na le monyetla oa ho hlahisa le lijo tse teng li ka rekisoa empa bothata ke melao e teng kaha ho ntse ho e-na

le likhoqetsane tse sitisang hore khoebo e tsamaee ha bonolo.

A re ho hloka hlahisa li tsa tlhahlobo ea thepa, poloko

ho sebelisoa ho etsa lihlahisoa tse 'maloa.


Moemeli oa WFP Valerie Guarnieri, o supile ho le bohlokoa hore naha e tse-



Moemeli oa Machaba a Kopaneng (UN) Amanda Khozi Mukwashi, o itse Naha ea Lesotho e na le matla a ho hlola qholotso ea tlala ha fela Basotho, 'muso le bohle ba ka tšoarana ka matsoho ho rala 'moho le ho kenya tšebetsong maano a ho hlola liqholotso tsohle tse tobaneng le tlala.

O re har'a tse ling ho kenngoe tšebetsong lits'ia tse amanang le boemo ba phetoho ea leholimo, tlhek-efetso, bofuma le tlhokahalo ea mesebetsi. O itse UN e malala-a-laotsoe ho thusa Lesotho ho hlahisa lijo tsa boleng e le ho hlola liqholotso tsohle.

Mookameli oa Mokhatlo oa Lefatše oa Lijo le Temo



ea thepa ea nako e telele le pokello ea lipalo-palo hore ba be le sethaba-thaba sa lihoai le mefuta ea lihlahisoa, hape ho ka thusoa ka libaka tsa moo lijo li sebetsoang ho kenyeletsa boea hore mafura a bona a tsebe

tele temong e le hore ngwana a je lijo tse ntlafetseng, tse mefuta e meraro sekolong tse hlahisitsong hae.

Tona-Kholo, Samuel Ntsokoane Matekane, o hlalositse hore lipuisano tse na li t'ho thusa naha ho nka mothinya o mocha ho raleng litaba tsa temo. A re ba boetse ba tla hlahloba maano le melao e le hore ho be le meralo e mecha ea nako e telele e tla thusa tlhahiso.

O re ba rata hore temo e fetohle khoebo, e fetole bophelo ba Basotho, bacha le ho hlahisetsa naha mesebetsi molemong oa boipheliso le ho fenyha tlala.

Boithuto bo entsoeng ke Setsi sa Likoluo (DMA) bo supa ha Basotho ba 700,000 ba tjametsoe ke tlala ea boja-likata.






# MOB KIDD'S

## EDUTAINMENT

Puzzle MOB 92-4538 **LENYALO LA SESOTHO**



**Across**

- 1 Moketjana oo ka oona ho lebohoang basali ba ileng ba thusa motsoetse ka ho mo khella metsi le ho mo isetsa masheleshele (6)
- 3 Linku tse thethesang bohali (7)
- 4 Mekhoa le litloaelo tsa sechaba. (6)
- 6 Mosali oa bobeli kapa ho feta lenyalong la sethepu. (7)
- 9 Ngoan'abo mosali oa ka. (5)
- 10 Joala bo nooang ha ho isoa likhomo tsa bohali. (4)
- 11 'Mantja, Matšelisio, Tšelisio, Ntja le Mpe. (6)
- 13 Pere e tsamaeang le likhomo tsa bohali (8)
- 17 Maqothoane a sebete le moholu a pheheletsoeng 'moho. A jeoa ke maqhekoana a habo banyalani. (7)
- 20 ..... se chekoa ke pelo (Maele) (7)
- 21 Sefaha se roesoang ngoana ka tumelo ea ho mo tiisa khahlanong le meea e mebe kapa ntho tse mpe.(7)
- 22 Kobo ea bohali (11)
- 23 Mosali ea nyetsoeng, o bitsoa..... lelapeng la habo monna. (7)

24 Thakana ea bashanyana (8)

**Down**

- 2 Ngoana ea hlokahelletsoeng ke motsoali. (8)
- 5 Ntlo ea banyalani ba bacha (7)
- 7 Ho bontša ngoana khoeli e phethileng sekhoanana kamor'a khoeli tse tharo a hlahile ho pheta moetlo oa Sesotho. (8)
- 8 Ha lea tla, le ..... (pontšo ea ho halala likhomo tsa bohali). (6)
- 12 Monna oa morali oa rona. (11)
- 14 Basali ba mophatong (10)
- 15 Mosali ea nyetsoeng ke monna oa ausi oa hae. (7)
- 16 Khomo e hlabeloang ba felehelitseng ngoetsi e ncha. (7)
- 17 Linama tse thakhisang lekoko (mehlolloane, metso, thukela, molibolo oa qaati, leru, ....., khubu, le malolo (8)
- 18 Khoeli eo ngoetsi e tlotsoeng ke khoeli ka eona (7)
- 19 Khomo e kopanyang malapa a mabeli ka lenyalo. (6)



# TSA KEREKE

## CCL e makalla sefapano

### Staff

**L**ekhotla la Likereke la Lesotho (CCL) le entse polelo Ntlo-Kholo ea Lekhotla, Maseru ka ho makalla ho hoholo mabapi le phano ea sefapano ke Tona-Kholo Samuel Matekane, e le ho tsoaea lilemo tse 200 sechaba sa Basotho se thehiloe.

Polelo e baleha joana: Rea le lumelisa Basotho ba habo rona, 'me re re ho lona: "Mohau le Khotso ea Molimo Ntata rona le ea Morena Jesu Kriste li ke li be le lona" (2 Ba-Korinthe 1:2)."

Re le Makhotla a Likereke tse fapakaneng kahar'a Naha ea Lesotho, tulong ea rona ea la 30 Phupu 2024, re lumellane ho ntša polelo ena malebana le phano ea sefapano ho tsoa ho Mohlomphehi Tona-Kholo, e le karolo ea ketekelo ea lilemo tse makholo a mabeli sechaba sa Basotho se thehiloe ho ea ka tlhaloso e fanoeng, polelong ea la 17 Phupu 2024.

Re ananela moelelo oa mpho ena. Sefapano ke letšoao le khetheleng tumelong ea Bokriste, 'me lentsoe la Molimo Epistoleng ea pele ea Moapostola Paulosi ho Ba-Korinthe, khaolo ea pele (1 Ba-Korinthe 1:18) le re; "Hobane polelo ea sefapano ke bohanya ho ba timelang; empa

ho rona ba bolokehang, ke matla a Molimo." Re lokela ho atamela letšoao lena ka hloko le hlokolosi e kholo.

Leha ho le joalo, re lokela ho bontša tsoenyeho ea rona re le kereke hore phano ena e entsoe ntle le puisano le Kereke Lesotho. Taba ena e ka re tlisetsa pherekano e kholo tabeng ea moelelo oa sefapano kahar'a tumelo ea rona. Ba-Galata 6:14 e re hoptsa hore "Ha e le 'na ho ithorisa ho be hore le 'na, ha e se ka sefapano sa Morena oa rona Jesu Kriste, eo ka eena lefatše le thakhisitsoeng ka nqeng ea ka, le 'na ke thakhisitsoeng ka nqeng ea lefatše." Ho rona re le kereke, Sefapano ke letšoao la sehlabelo se fetisisang le lerato le pheth-

ehileng la Morena oa rona Jesu Kriste, 'me taba ena ea sona e hloka ho tsoaroa ka hlokolosi.

Ke tšepo ea rona hore ka moso, puso ha e tla e lebane le litaba tse thetsang meoloane ea bokriste, kapa eng le eng e amang sechaba sena sa Basotho, e tla li atamela ka kelo-hloko, 'me li shebisano e ka leihlo le chatsi ho qoba pherekano le ho se utloisisane. Ka hona, re ipiletsa ho sechaba sa Basotho ho re inela matsoho metsing re le kereke, balisa ba meea le tsa tumelo. Re lemohile bolutu boo taba ena e bo bakileng kahar'a sechaba sa Basotho le likerekeng tsa rona, re tsoareleng ba habo rona!

**MOLIMO O BOLKE LESOTHO LA BASOTHO**



## Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntšang tsoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane mollong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa lillotho tse monate; bo-mmenthele o hlotse baruti.

**Leseli! Khanya!**

## 2023-2024 SELEMO B

### Sontaha sa 19 har'a selemo

Likhosi 19,4-8

Pesalema 33

Ba-Efese 4,30-5,2

Joannes 6,41-52



**Khothatso**

### Bohobe bo thehileng Leholimong

Elia Thutong ea Pele o tsamaile leeto la letsatsi kaofela lefelling 'me o khathetse, leeto lena la hae le ka tsoantsoa le motho ea ntseng a lelera lefatšeng a se na sepheo. O bona bophelo e le ho shoa hobane a se na tšepo ho hang. Elia o ikopela lefu ho Morena hobane o bona a itšoanela le baholo ba hae, eaba kamor'a moo oa ithoballa. Mona le fumana thuto ea hore ha motho a se na tšepo o lahlehela ke sepheo sa ho phela; o amohela lefu e le eona tharollo ea ho felisa mahloko ohle a hae.

Boroko ke letšoao la qetello mothong ea tsamaeang lefifing, empa grasía ea Morena e tla fihla ho eena joalokaha lenyeloi la Morena le ile la tsosa Elia hore a je bohobe 'me a noe metsi. Motho ea fetang har'a tsena tsohle; tsoho ea moea, o ithuta ho ba le tšepo e phelang ho Morena Jesu Kriste. Kamora ho ja Elia o boela a robala hape, letšoao la ho oela sebeng. Lenyeloi la Morena le boela le mo tsosa lekhetho la bobeli, letšoao la grasía ea Morena pelong ea moetsalibe lekhetho la bobeli. Moetsalibe o boela a bolelloa ho ja le ho noa hape ho seng joalo leeto la hae le tla thatafala. Joalokaha Elia a entse, moetsalibe oa tsoho o khutlela Lisakramenteng tsa Kereke, o lumella Moea o Halalelang ho lula ka ho eena ebe o mo halaletsa ka Kriste.

Moapostola Paulosi o bolella Ba-Efese ho se soabise Moea o Halalelang oo e leng letšoao la topollo ho bona. Joalokaha Kriste a ile a bolela hore o tsoaue ka letšoao la Ntata'ae, (Joannes 6:27) le Bakriste ba tsoaue (2 Ba-Korinthe 1:21-2; Ba-Efese 1:13, 4, 30). Letšoao lena la Moea o Halalelang le bontša hore le ba Kriste ka ho tlala. (Tšenolo 7:2-3, 9:4; Ezekiele 9:4-6, C.C.C # 1296) Hobane le bilelitsoe ho tsoana le Morena Molimo le tlameha ho behella kathoko bofokoli ba lona ba lefatše 'me le khanye leratong la Morena Molimo. Bohle le bilelitsoe ho ba mohau, bonolo, baetsi ba khotso le ho tsoarela joalokaha Molimo a le tsoaretse. Makhabane ana ke a bana ba Molimo ba khanyang leratong la Kriste.

Evangeling Morena Jesu o bolela hore ke eena Bohobe bo phelang bo thehileng Leholimong, ka mantsoe ana o na lokisetsa balumeli Labone le Halalelang le buang ka ho theohoa ha Sakramente e Halalelang ea Eukariste Kerekeng e Halalelang e Katholike. Bongata bo ile ba korotla 'me ba hanana le mantsoe a hae hobane ba re ntata'ae ke Josefa, 'mae ke Maria. Ba sitiloe ho utloa molaetsa hobane ba ne ba sa mamela, likelello tsa bona li ne li tletse lintho tsa lefatše. Ka lebaka la ho thatafala ha lipelo tsa bona meea ea bona e ne e siretsoe, e ba sitisa ho bona 'nete. Ho bohle ba sa lumeleng o ile a re ho bona, "Ha ho ea ka tlang ho 'Na ha e se ka Ntate ea nthomileng." Joalokaha ho boletsoe pele, ke ka Moea o Halalelang bohle re tlang ho Kriste hobane o (Moea) re ruta le ho re tataisa hore na re fihla ho eena joang. Ka hona bohle ba tlang ho Kriste, ba mamela lithuto tsohle tsa hae, ba lumela ho eena 'me ba phela bophelo ba Bokriste o tla ba tsosa ka letsatsi la ho qetela.

Morena Jesu o re bohle ba lumelang ho eena ba tla ba le bophelo bosafeleng. Baholo ba Testamente ea Khale ba ile ba ja manna lefelling 'me ba shoa, empa bohle ba jang Bohobe bo thehileng Leholimong ba tla fumana bophelo bosafeleng; Bohobe bona ke 'Mele oa hae.

Bana b'eso lumelang mantsoeng a Kriste; Sakramente ea Eukariste ke Bohobe ba Bophelo, ka hona ntle le eona ha u na bophelo ka ho uena. Thatsuo e u khutlisetsa ho ba sebopuo se secha mahlong a Morena, ha u ka etsa sebe atamela Sakramente ea Pako e le hore u khutlisetsoe boemong ba pele. Joale u ka amohela Euakriste eo e leng Bohobe bo phelang bo tla u fa topollo.

## Bahalaleli har'a Beke

12 Phato Hilaria

13 Phato Hippolytus

14 Phato Ursicius

15 Phato Lambania

16 Phato Serena

17 Phato Luka Kiemon

**Tšeliso Thakholi**

# E malala-a-laotsoe

**M**okoetlisi oa nakoana ebile e le **Sebapali sa Bolo ea Maoto sa Sehlopha sa Members, Lekhooa Tšolo o re nakhong ena ea ho ngolisoa ha libapali, sehlopha sa habo le sona se ile sa itokisa ka matla a maholo ho ngolisa libapali tse ncha, tse tlii'o bapalla sehlopha selemong sena se secha sa lipapali, tseo a ileng a li phatlalatsa le ho li amohela ka molao pele ho papali ea bona ea setsoalle khahlanong le Linotši United(B Division), Lebaleng la Macheoaneng, Mazenod ka la 4 Phato 2024.**

O itse o atlehile ho fumana libapali tse ncha tse supileng kaofela, e le ho matlafatsa likarolo tsohle tsa sehlopha le ho kata likheo tsa ba tsamaileng ba supileng. O hlalositse ha ba atlehile ho fumana bo-mmapala morao ba bapalang ka mapheong ba bararo e leng Mpho Kha-sipe ho tsoa ho Mafeteng Stars le Phoka Maime ho tsoa ho Qeme United le Rakhobo Mantsi.

Hona moleng o ka morao, o boletse hore ba na le libapali tse tharo e leng Bafokeng Taole ho tsoa Sehlopheng sa MASOWE United, Koenehelo 'Mereki ho hlaha Sehlopheng sa Linotši United le Liteboho Rakhoboso ho tsoa ho LCS. Athe karolo ea bahlaba-lintlha, o itse ba na le Keketso Rabi ho tsoa Sehlopheng

sa Quathathamala. A eket-sa ka hore ba matlafalitse mola oa bona o hare ka ho tekena Reamoetse Mosoeu ho tsoa Sehlopheng sa Barcelona.

H'a bua le libapali tsohle tsa Members o ipilelitse ho tsa khale ho tšoaetsa ba bacha hlomphe, boitšoaro, lerato le ho se utsoe lintho tsa ba bang. "Monate oo re phelang ka ona kahar'a sehlopha ke ho hlomphe le ho sebetsa 'moho re le ntho e le 'ngoe.'" H'a bua le ba bacha, o itse ntho eo ba e tšepang sehlopheng sena, ke taba ea boikoetliso, "me ke eona feela ntho e tla le fa matla ka lebaleng. Ha u sa koetle leha u tseba bolo re u beha kantle. Boitšoaro re lebeletse bo botle."



ena ea phomolo e etelang pele ho qala ha selemo sa lipapali sa 2024/25, Mem-

bers e qalile ho qothisana lehlakoa le lihlopha tsa B Division le tsa liki e kholo, e ntse e le boito kiso ho fihlela Liki e Kholo ea A Division e

qala. Letsatsing la Moqebelo Members e ile ea bapala papali ea eona ea pele ea Lesotho, Sekhoane 'No.1 Goalkeeper' Moerane. Bobeli bona le ka seemo b'a lekana.



A re takatso ea bona selemong sena, ke ho bona se le lihlopheng tse kholo tsa Premier ha selemo sa lipapali se fela. Nakong

setsoalle le Linotši United moo ileng ea e hlola 5-1. Ho sa le joalo, kahara sehlopha sena re ka qolla sethibathibane se hloahloa se sebelitseng ka thata hore sehlopha se hlahe maemong a bone liking ea selemo se fetileng ea A Division le ho hapa Mohope oa Nedbank Cup, Moeketsi

Mohaesa ea tsejoang haholo papaling ea bolo ea maoto ka lebitso la 'Makatja'.

Mohaesa o hlahetse Motseng oa Qoaling, Ha Seoli Seterekeng sa Maseru, moo a qalileng ho kena Sekolo sa Mathomo hona teng, ho fihlela a fetela ho se Phahameng. Hang hoba a qete lithuto tsa hae, khalala ena ea eo barati le batšehetsi ba bolo ea maoto ba ikotlang sefuba ka eona, o qalile a bapalla Sehlopha sa Emmanuel FC sa hona Ha Seoli. Ke hona moo Members e ileng ea khahlola ke khalala ena hona teng.

Makatja hara lintho tse ngata tseo a ikhethollang ka tsona ho libapali tse ling, ke ho rata le ho tšepahalla sehlopha sa habo kaha a se a e-na le lilemo a le sehlopheng sena. O boetse o ikhetholla ka boitšoaro bo botle kahare ho lebala nakong ea papali leha a le hae. Botle bo bong ba hae ke hore h'a noe joala, h'a tsube koae. Lithibathibane tsa mofuta ona ha li fumanehe habonolo kahar'a naha.

Hofihlela hajoale h'a e-s'o bapale lipapali tsa machaba, 'me morero oa hae o moholo ke ho ntšetsa-pele talenta ea hae ea papali ea bolo ea maoto pele, a ntse a le sehlopheng sa Members. Toro e kholo ea hae ke ho bona sehlopha sa habo se kene lihlopheng tse kholo ha selemo se secha sa lipapali se fihla pheletsong isao.



# Ba thoholetsa Tau



## Tšeliso Thakholi

**B**a bang ba barati ba lipapali kahare ho naha ba thoholelitse seloani sa Naha ea Lesotho sa papali ea Taekwondo, Michelle Tau ho latela ka moo a neng a loana ka boitelo ka teng. Ba re leha a lahlehetsoe ke papali ea hae ea pele, Lesotho le hlaheletse machabeng ka boiphihlelo bo boholo papaling ea Taekwondo. Ba buile tsena kamora hore Tau a hlloe ke Nomadesa Nematzadeha oa Naha ea Iran, litlholisanong tsa Taekwondo tsa Li-Olympic tse bileng Paris, France ka la 7 Phato 2024.

“Leha a hlotsoe mokhahlelong oa pele ke sebakali sa rona, ‘me ka eena lefatše ke hona le re hlokomelang hore ho na le naha e bitsoang Lesotho, e nang le bokamoso bo botle papaling ea Taekwondo. Ketsahalo ena ha se eo litsebi le bathahaselli ba lipapali re ka e tloisang mahlo holimo joalokaha seloani sa naha e ‘ngoe se ka hlahang maamong a ho qete-

la, ha lipapali tsena li fela. Rona re khotsofetse.” Ba rialo.

Ba tiisa hore tšebetso ea Tau e tsoile matsoho, ho latela boemo ba litlholisanano tseo a ntseng a papala ho tsona. “Na re

paling tse setseng. Tau o loanne le Nematzadeha mokhahlelong oa pele ho tseka mentele oa Bronze, ‘me o hlotsoe lekhetlo la hae la pele ka lintlha tse tharo ho lehe(3-0), a boela



utloa hantle ha re bua ka litlholisanano tsa Li-Olympic re bua ka’ng?” Ba ipotsa ba bile ba ikaraba ka hore ke litlholisanano tse kenetsoeng ke linaha tsa lefatše ka bophara. “Leha ho ka ba ha thoe! Teng re hlaheletse machabeng.” Ba phethela ka hore o ntse a e-na le monyetla oa ho papala hantle lipa-

a hloloa lekhetlo la bobeli ka lintlha tse peli ho lehe(2-0), ‘me ha papali e fela a hloloa ka kakaretso ea lintlha tse peli ho lehe. Haele limathi tsa Lesotho tsa mabelo a malelele Tebello Ramokongoana le Mokulubete Makatise ba tliil’o matha mafelong ana a beke ka la 10 le la 11 Phato ka tatellano.

# Ho’a nyolosetsa ho LNIG

## Tšeliso Thakholi

**L**eha Sehlopha sa Papali ea Basketball sa LNIG se ne se papala papali e ntle haholo, ho tloha ha papali ea sona le LUCT e qala moo e saleng se itlhoma pele ka ho hlaba lintlha, ho ile ha bonahala ho ntse ho e-ba moepa ho sona ha papali e haba ho fihla pheletsong kaha e shapuo 44-42, papaling ena

ne li le sieo ka mabaka a fapakaneng a mesebetsi. A tsoelapele ho bontša hore qholotso e ‘ngoe e bile ho se kopane hantle nakong ea boitokisetso ba lipapali tsa bona ka lona lebaka la mesebetsi, nako e khutšoanyane ea Mariha le serame.

A tiisa hore ba tliil’o sebetse ka thata hore a liki e fela ba be ba le kahar’a tse ‘ne tsa ka holimo, tse tlang ho papala ‘play-offs’ ho tseka mohope. Sehlopha sa LNIG se boemong



ea mokhahlelo oa bobeli ea liki e bileng Lebaleng la Ha Ratjomose, Maseru ka la 4 Phato 2024.

Puisanong le Koranta sebakali se hloahloa sa LNIG Moeletsi Ramoetsi o bontšitse hore ba ne ba sa lebella hore papali ena e tliil’o ba matla haholo, ‘me ba kene ka lebaleng ba e-na le mehopollo ea hore ba tliil’o it-samaela bolacha kaha ho tloha sethathong esale ba ntse ba li hula pele. “Ba hlile ba re hlola ka ho re lelekisa kaha ba ne ba se ba hlokometse hore re se re imetsoe ke ntoa, ‘me re se re e hula ka litlhako tsa morao.” A rialo.

A re qetellong ea papali ba ne ba se ba bonahala ba imetsoe ke mokhathala. A re le leng la mabaka a entseng hore ba lahleheloe ke papali ena, ke hobane sehlopha sa bona se ne se sa fella, kaha libapali tse ling li

sa boraro lokong kamor’a ho lahleheloa ke papali, ha boemong ba pele e le sehlopha sa Simply Talent se hlahlangoa ke VODACOM-Lesotho.

Haele tse ling tse bapetseng letsatsing la Moqebelo tsona li eme tjena: VODACOM-Lesotho e ile ea pola Standard Lesotho Bank ka 39-32. LNIG ea hlola MMB ka 42-31, LUCT ea teteka Standard Lesotho Bank ka 50-41. Ha VODACOM e ile ea hlohlora ECONET-Lesotho ka 43-38. Simply Talent ea tlabola RSL ka 38-32.



# ‘Muso o hatella baitšokuli

Mokhatlo Tšolo Lebisa ‘mokeng oa bo-ralitaba oa la 5 Phato monongoaha.

## Nthabeleng Seithleko

**M**okhatlo oa khatang Tema Baitšokuli o seboko ka ho tlosoa ha baitšokuli literateng, moo ba rekiset-sang teng ka le reng naha e kenya tlhopho-bocha ea literopo tšebetsong ho se litherisano tse teng. Tsena li boletsoe ke Mookameli oa

O re ha joale baitšokuli ba fetohile baleleri ha ho moo ba sebeletsang teng hobane ha se ‘nete hore ba lelekoa libakeng tseo ba leng ho tsona hobane hona le tse ling, ke ka hoo ba ikarabellang ba ke keng ba supisa baphatlalatsi libaka tse joalo.

O itse ho boima ka ho fetisisa ke hore sena se etsahala nakong eo ba ntseng ba leka ho iphumana khoe-bong, kamora hore likhoebo li putlame ka lebaka la seoa

sa COVID-19. O re le mebuso e fetileng e ne e ntse e re ea ba tlosa empa bothata e le hore ha ba na mokhoa oa ho hlophela bao ka ho ba etsetsa mekhoha ea ho ba phelisa e bang ba khutlela metseng ea habo bona, hobane hose libaka tsa ho sebeletsa. O bontšitse a tšoenyehile ke tlhokahalo ea lipuisano, litherisano nakong eo ‘muso o kenyang lintho tšebetsong kaha ho se letho leo ba le tsebang e le mekhatlo.

Lebisa o re se lokelang ho etsahala ke hore ba tlameha ho hlophela

baitšokuli nakong eo ba ba tloasang mapatlelong, le hoja ‘muso o se ntse o imetsoe ke phepo ea malapa a tlokotsi o ntse o eketsa tlokotsi kahar’a sechaba ho ea pele.

O re ha joale ba seboko ka hore khoebo e ikhabetsoe ke melata, le moo ba iphelisang ba sa kope motho ba amuo tsohle tsa bona, ka hona ‘muso o ele hloko kotsi le mahlomola ao o a bakelang sechaba se iphelisang se sa kope letho ho bona.

Ho sa le joalo, puisanong le ba bang baitšokuli

ba sebeletsang mapatlelong a teropo ea Maseru, ba bontšitse ba tšoenyehile hobane ha tsebe hore na ba tl’o phelisa malapa a bona joang kaha le libakeng tseo ba leng ho tsona ba se ba filoe nako ea hore ba shebe libaka ba tlo tlosoa.

Ba re seo ba se bonang ke hore ‘Masepala o tšaba ho ba bolella ‘nete ea hore ha ba hloke baitšokuli kahar’a teropo kaha ho se na libaka tseo ba sa fuoeng melaetsa ho tsona.

‘Mabahlakoana Monehela ea sebeletsang ka setopong sa libese o bontšitse hore leha ‘muso o kenya lintlafatso tšebetsong ba bile ba li hloka, empa o lokela ho ela hloko litokelo tsa bona tsa mantlha tsa botho, boipheliso le ho phelisa malapa. O re e bang tlala e ka aparela malapa a mangata joalokaha naha e le boemo bo joalo litlolo tsa molao li ke ke tsa fela, le naha e tlo lahlehelo ke seriti machabeng.

O re eena joaloka mokhethi oa naha ena h’a lebella ho hlorisoa empa ha joale ba phela ka letsoalo hobane nako le nako ba lula ba tšohile hore ba tla fuma-na matlo ao ba rekisetsang ho ona a le sieo.

O ipilelitse ho ‘muso ho ba utloela bohloko joaloka batho ba kojoana li mahetle-ng le ho ela hloko litlamorao tse ka bakoang ke ketsahalo tsa mofuta ona, hobane baitšokuli ba bangata.



# Ba thetsoa ka lefura la ntja

## Nthabeleng Seithleko

**M**oetapele oa Mpulule Political Summit Edwin Sehlabaka, o re o tšohile haholo h’a sheba mokhoa oo ‘muso o tšoarang litaba ka ona, kaha o sa arabele lithoko tsa mantlha tsa sechaba joaloka tlhahiso ea mesebetsi o shebane le bointlafatso le ho lilielletsoa empa sechaba se e-shoa ke tlala. O boletse tsena puisanong le Koranta, ka la 7 Phato monongoaha.

O re ka thoko ho litaba tsa tlhokahalo ea mesebetsi o lemohile hore ‘muso o tl’o qetella o sentse tlhopho-bocha ka lebaka la ho tloa melao eohle ea tsamaiso

tlhophisetsong ea eona esitana le melao eohle ea tšebetsong ea litaba tsa puso.

A re ‘muso ona o tla fetisa feela melao e sireletsang bohatelli le bobolu ba ona hobane ha o sebetse ka ‘nete, ebile ha o na lerato la naha le sechaba empa o suthumetsa le ho kharametsa lintho ka bohlasoa le ho fosa molao le tsamaiso o itšepile bongata ka paramenteng. “Ha ke e-s’o bone batho ba lonya, ba sa eletseheng hakana ka bana ba busang hajoale.” O boletse joalo.

O re ba hapile litsi tsohle tsa tšireletso le Paramente, le makhotla b’a sebelisa hampe, ka hona ho labella hore ba tla kenya tlhopho-bocha tšebetsong ke

toro feela, hobane ka lipuo ba bontša ba e rata empa liketso li le hole le seo ba se

buang.

H’a phethela o itse sechaba sena se tla phaphama

naha e se e nkoe ke lithena tsena le melata sona se thetsitsoe ka lefura la ntja, hobane ha joale phiri le phokojoe ke tsona tse lisang mohlape oa linku.

